

Sukan

INFO SUKAN

LEMPAR cakera ialah acara lontaran yang mula-mula dicipta sebagai acara sukan. Setiap peserta akan melakukan lemparan kali pertama dengan hanya menggunakan sebelah tangan manakala lemparan kali kedua peserta akan menggunakan sebelah tangan yang belum digunakan lagi. Cakera ini diperbuat daripada kepingan kayu tebal yang berbentuk bulat, leper, dan dibalut besi di sekelilingnya, serta dimasukkan timah hitam seberat 1.923 kilogram pada bahagian tengah dan menghampiri 2 kilogram untuk atlet lelaki.



ePaper Pelita Brunei

Mukim Saba juara maraton Acara Lumba Perahu Tradisi



MENTERI Hal Ehwal Dalam Negeri, Yang Berhormat Pehin Orang Kaya Seri Kerna Dato Seri Setia (Dr.) Haji Awang Abu Bakar bin Haji Apong (kanan) ketika hadir selaku tetamu kehormat seterusnya menyampaikan hadiah kepada Mukim Saba selaku juara Kategori 25 Pekayuh Tradisi / Fiberglass Terbuka Maraton 2,500 Meter sempena Acara Lumba Perahu Tradisi anjuran Majlis Perundingan Kampung (MPK) Kota Batu, Pintu Malim dan Sungai Lampa dengan kerjasama Jabatan Daerah Brunei dan Muara 2018 sempena Cuti Penggal Persekolahan dan Bandarku Ceria (kiri). Manakala gambar kanan, antara aksi para pekayuh semasa Acara Lumba Perahu Tradisi tersebut.



BANDAR SERI BEGAWAN, Ahad, 1 April. - Mukim Saba menjuang juara bagi 25 Pekayuh Tradisi / Fiberglass Terbuka Maraton 2,500 Meter sementara Pasukan Tamoi Bersatu dan Lela Cheteria masing-masing menyandang naib juara dan tempat ketiga pada Acara Lumba Perahu Tradisi.

Bagi 15 Pekayuh Tradisi Belia

Mukim 1,800M dijuarai oleh Mukim Tamoi, Mukim Burong Pingai dan Mukim Saba masing-masing mendapat naib juara dan tempat ketiga.

Sementara itu, Kementerian Kebudayaan, Belia dan Sukan (KKBS) pula muncul juara bagi 20 Pekayuh Fiberglass Plat Race 1800M manakala Universiti

Universiti Islam Sultan Sharif Ali (UNISSA) pula menyandang naib juara dan tempat ketiga.

Manakala Kolej Universiti Perguruan Ugama Seri Begawan (KUPU SB) menjadi juara bagi 20 Pekayuh Fiberglass Pengajian Tinggi 1,000M, UBD dan UNISSA masing-masing pula dapat tempat kedua dan ketiga.

Hadir selaku tetamu kehormat

dan seterusnya menyampaikan hadiah kepada para pemenang perlumbaan di Dermaga Diraja, di ibu negara ialah Menteri Hal Ehwal Dalam Negeri, Yang Berhormat Pehin Orang Kaya Seri Kerna Dato Seri Setia (Dr.) Haji Awang Abu Bakar bin Haji Apong.

Acara Lumba Perahu Tradisi tersebut dianjurkan oleh Majlis

Oleh : Nooratin Haji Abas

Foto : Dk. Nur Hafillah

Pg. Osman

Perundingan Kampung (MPK) Kota Batu, Pintu Malim dan Sungai Lampa dengan kerjasama Jabatan Daerah Brunei dan Muara 2018 sempena Cuti Penggal Persekolahan dan Bandarku Ceria.



MENTERI Kebudayaan, Belia dan Sukan, Yang Berhormat Mejar Jeneral (B) Dato Paduka Seri Awang Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin semasa memberikan kata-kata semangat dan nasihat kepada kontinjen negara.

BANDAR SERI BEGAWAN, Ahad, 1 April. - Para atlet Negara Brunei Darussalam ke Sukan Komanwel Ke XXI 2018 di Gold Coast, Australia diseru agar mempunyai semangat juang yang tinggi, memiliki semangat profesional dan kompetitif serta berbangga mengibarkan bendera negara pada kejohanan tersebut nanti.

Menteri Kebudayaan, Belia dan Sukan, Yang Berhormat Mejar

Jeneral (B) Dato Paduka Seri Awang Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin melahirkan seruan tersebut ketika ditemu bual oleh Pelita Brunei selepas mengucapkan selamat belayar kepada kontinjen negara di Lapangan Terbang Antarabangsa Brunei.

"Kita sangat berbangga kerana Negara Brunei Darussalam menyertai dalam Sukan

Miliki semangat juang, profesional serta kompetitif

Komanwel kali ini. Saya percaya, pemilihan para atlet ke sukan ini adalah berdasarkan kepada prestasi dan potensi mereka untuk bertanding dengan atlet-atlet daripada 52 buah negara pada Kejohanan Komanwel kali ini," ujar Yang Berhormat.

Tambah Yang Berhormat, apa yang diharapkan kepada para atlet negara adalah mereka patut berbangga kerana mewakili Negara Brunei Darussalam dan mereka perlu sentiasa ingat bahawa mereka membawa bersama Bendera Negara Brunei Darussalam sepanjang dua minggu menyertai kejohanan berkenaan.

Untuk itu jelasnya, mereka perlu menunjukkan calak-calak KeBruncian kerana apabila mereka berpegang kepada calak-calak tersebut maka mereka akan mempunyai rasa semangat yang tinggi.

Para atlet tambah Yang Berhormat, juga telah melalui latihan-latihan yang intensif dan untuk itu, mereka perlu mempunyai rasa yakin untuk bersaing dalam cara yang

Oleh : Hajah Siti Zuraiyah Haji Awang Sulaiman

Foto : Azmah Haji Ahad

kompetitif dan profesional serta mempunyai semangat juang yang tinggi.

Kontinjen Negara Brunei Darussalam dianggotai oleh lapan atlet dan empat pegawai termasuk Chef de Mission, pegawai urus setia, pengurus pasukan dan jurulatih.

Pada kesempatan itu, Menteri Kebudayaan, Belia dan Sukan turut memberikan kata-kata semangat dan juga nasihat kepada kontinjen negara sebelum mereka berlepas.

Sementara itu, Mejar (B) Md. Talip bin Md. Tahir selaku Chef de Mission Kontinjen Negara Brunei Darussalam ke Sukan Komanwel tersebut ketika ditemui menyatakan persiapan para atlet menghadapi Sukan Komanwel ini memandangkan ia merupakan sukan bertaraf dunia dengan persaingan daripada negara-negara luar khususnya negara-negara yang sudah berkembang dan utuh.

Tegasnya, ia merupakan satu cabaran bagi atlet negara untuk mencapai ke tahap yang lebih tinggi dan beliau berharap para atlet mempunyai semangat juang yang tinggi dalam setiap perlawanan dan tidak mengaku kalah sebelum berlawan.

Kejohanan Sukan Komanwel Edisi Ke-21 ini akan diadakan mulai 4 hingga 15 April 2018 dan Kontinjen Negara Brunei Darussalam akan hanya menyertai satu acara sukan sahaja iaitu boling padang.

Kejohanan Sukan Komanwel itu merupakan kejohanan pelbagai sukan antarabangsa yang diadakan setiap empat tahun dengan melibatkan atlet-atlet dari negara-negara Komanwel dan dianjurkan oleh Commonwealth Games Federation (CGF).

Edisi Sukan Komanwel sebelum ini diadakan pada tahun 2014 di Glasgow, Scotland.

BERITA-BERITA HARIAN BOLEH DIKUTI DI LAMAN SESAWANG : www.pelitabrunei.gov.bn

TINGKATKAN KEWASPADAAN SEMASA MEMANDU DI JALAN RAYA

دربیتکن اوله جباتن فتراغن، جباتن فردان منتری دان دجیتقن اوله جباتن فرجیتقن کراجان، نگارا برونی دارالسلام.

Diterbitkan oleh Jabatan Penerangan, Jabatan Perdana Menteri dan dicetak oleh Jabatan Percetakan Kerajaan, Negara Brunei Darussalam.